

qabul qilmaslik natijasida yetkazilgan zararni qoplab berishni talab qilish .

#### 3.4. Yetkazib beruvchining majburiyatlari :

- Buyurtmachiga tovarlarni mazkur shartnomatga muvofiq belgilangan muddatda, miqdorda va sifatda etkazib berish;

- agar tovarlarni etkazib berish jarayonida etkazib beruvchi shartnoma shartlari va me'yorlardan va/yoki O'zbekiston Respublikasining amaldagi qonunchiligidan chetga chiqishga yo'l qo'ygan hollarda buyurtmachining talabi bo'yicha 10 (o'n) kun muddat ichida barcha aniqlangan kamchiliklarni beg'araz bartaraf etish.

3.5. Mazkur shartnomat belgilangan tartibda mazkur shartnomat shartlari va talablari va O'zbekiston Respublikasi amaldagi qonunchiligiga muvofiq ijro etilishi shart.

3.6. Tomonlar o'z zimmlariga olgan barcha majburiyatlarning ijrosini ta'minlagan taqdirda shartnomat bajarilgan hisoblanadi.

### 4. TOMONLARNING JAVOBGARLIKLARI

#### 4.1. Buyurtmachi:

- savdolarni o'tkazish uchun taqdim etilgan hujjatlarning ishonchiligi va O'zbekiston Respublikasining amaldagi qonun hujjatlariga muvofiqligi;

- savdolar g'olibi bo'lgan etkazib beruvchi bilan shartnomat tuzish yoki savdolar g'olibi bo'lgan etkazib beruvchi bilan shartnomat tuzishni rad etish muddatiga rioya etilishi (ajratilgan byudjet mablag'lari kamayishi holatlari bundan mustasno);

- tomonlar o'rtasidagi shartnomat majburiyatlarini bajarish tugallangandan keyin besh yil mobaynida savdolar predmeti bo'yicha e'lonlar va texnik hujjatlarning asl nusxalari saqlanishi uchun javob beradi.

4.2. Tovarlarini tanlab olmaslik, shuningdek etkazib beruvchi shartnomada belgilangan muddatda (davrda) ularni etkazib berganda tovarlarni olishni asossiz ravishda rad etganlik uchun sotib oluvchi etkazib beruvchiga tanlab olinmagan (o'z muddatida olinmagan) tovarlar qiymatining 5 foizi miqdorida, tez buziladigan tovarlar bo'yicha esa — 10 foiz miqdorida jarima to'laydi.

Tovarlar tanlab olinmagan (olish asossiz rad etilgan) hollarda, etkazib beruvchi jarima undirishdan tashqari, ushbu tovarlar mavjudligining kafolatlarini taqdim etgan holda, tanlab olinmagan (o'z muddatida olinmagan) tovarlar qiymati to'lanishini talab qilishga haqlidir.

4.3. To'lov talabnomasi aktseptini asossiz ravishda butunlay yoki qisman rad etganlik, shuningdek hisob-kitobning boshqa shakllarida tovarlar haqini to'lashdan bosh tortganlik (bank muassasasiga to'lov topshiriqnomasini taqdim etmaganlik, chek bermaganlik, akkreditivni taqdim etmaganlik va hokazo) uchun buyurtmachi mahsulot etkazib beruvchiga o'zi to'lashni rad etgan yoki bosh tortgan summaning 15 foizi miqdorida jarima to'laydi.

Etkazib berilgan tovarlar haqini o'z vaqtida to'lamaganlik uchun buyurtmachi etkazib beruvchiga o'tkazib yuborilgan har bir kun uchun kechiktirilgan to'lov summasining 0,4 foizi miqdorida, ammo kechiktirilgan to'lov summasining 50 foizidan ortiq bo'lmagan miqdorida penya to'laydi.

#### 4.4. Etkazib beruvchi:

- savdolar qatnashish uchun taqdim etilgan hujjatlarning ishonchiligi;

- miqdor, sifat, texnik parametrlar, shuningdek taklif etilayotgan tovarlarni etkazib berish muddatlari va joyi bo'yicha etkazib beruvchi buyurtmanomalari shartlarining buyurtmachi buyurtmanomalarida nazarda tutilgan shartlarga muvofiqligi;

- savdolar shartlarining boshqa buzilishlari;

- tuzilgan shartnomat shartlarining bajarilmaganligi uchun javob beradi.

4.5. Agar etkazib berilgan tovarlar sifati, assortimenti va navi bo'yicha standartlar, texnik shartlar, namunalarga (etalonlarga) qonun hujjatlarida yoki xo'jalik shartnomasida belgilangan boshqa majburiy shartlarga mos kelmasa, sotib oluvchi (buyurtmachi) tovarlarni qabul qilish hamda ularning haqini to'lashni rad etib, etkazib beruvchidan sifati, assortimenti va navi lozim darajada bo'lmagan tovarlar qiymatining 20 foizi miqdorida jarima undirib olishga, agar tovarlar haqi to'lab qo'yilgan bo'lsa, to'langan summani belgilangan tartibda qaytarishni talab qilishga haqlidir. Sifati, assortimenti va navi lozim darajada bo'lmagan tovarlar etkazib berganlik uchun jarima etkazib beruvchidan aktseptsiz tartibda undirib olinadi.

4.6. Tovarlarini etkazib berish muddatlari kechiktirib yuborilgan, to'liq etkazib berilmagan, tovar etkazib beruvchi sotib oluvchiga (buyurtmachiga) kechiktirilgan har bir kun uchun majburiyat bajarilmagan qismining 0,5 foizi miqdorida penya to'laydi, biroq bunda penyaning umumiy summasi etkazib berilmagan tovarlar, bajarilmagan ishlar yoki ko'rsatilmagan xizmatlar bahosining 50 foizidan oshib ketmasligi lozim. Penyani to'lash shartnoma majburiyatlarini buzgan tarafni tovarlarni etkazib berish muddatlarini kechiktirib yuborish, to'liq etkazib bermaslik, oqibatida etkazilgan zararni qoplashdan ozod etmaydi.

4.7. Marka belgisi qo'yilmagan yoki lozim darajada markirovka qilinmagan tovarlarni, shuningdek idishsiz yoki o'ralmagan tovarlarni yoxud tegishli idishga joylanmagan yoki lozim darajada o'ralmagan tovarlarni etkazib berganlik uchun etkazib beruvchi sotib oluvchiga (buyurtmachiga) bunday tovarlar qiymatining 5 foizi miqdorida jarima to'laydi. Tovarlar qabul qilingandan keyin yana jo'natilishi yoki saqlanishi kerak bo'lgan hollarda sotib oluvchi (buyurtmachi) jarima undirishdan tashqari, o'z kuchi bilan, lekin etkazib beruvchi hisobidan tovarlarni